



COMUNE DI NONANTOLA
Centro Intercultura

Associazione
di promozione
sociale

giunchiglia11

Svakodnevni život u vrijeme korona virusa (1)



illustrazione di Mariana Chiesa

Zdravo,

ovo što slijedi su uputstva (pravila i savjeti) o ponašanju koje treba usvojiti u ovim teškim danima, a koje smo zajedno sa učenicima **Škole Frisoun** odabrali, pojednostavili i preveli.

Kao i uvijek, svi smo mi pozvani da se dobro informišemo i sami odlučujemo o važnim izborima u našem životu, shvatajući dobro šta je ili nije zakonito činiti. I znajući da izbori koje donosimo, ovih dana više nego inače, imaju važne efekte na život drugih.

Najnoviji zakoni koje je Italija usvojila mogu se sumirati na sljedeći način: **u narednim sedmicama moramo se držati što dalje od drugih ljudi** i na taj način izbjeći da se razbolimo ili prenesemo bolest.

Ovo je od suštinskog značaja ne samo za naše zdravlje, već i za funkcionisanje bolnica koje počinju biti pune. Iz toga razloga kuću možemo napustiti samo:

1. **da bismo išli na posao** (za to nam je potrebna potpisana izjava koja se može lako nabaviti)
2. **da bismo obavili kupovinu** (sami i u trenucima kada je manje ljudi);
3. **iz zdravstvenih razloga** (kako bismo otišli u apoteku ili doktoru, uz predhodni dogovor sa njima);
4. **radi pomoći rodbini ili prijateljima u teškoći** (koji nisu samostalni ili ne mogu sami obaviti kupovinu);
5. **radi odlaska u šetnju** (sretni smo jer imamo prirodu u punom cvatu do koje se može doći pješice. Hajdemo, ali sami ili u društvu naše djece).

Ako izađem iz drugih nepotrebnih razloga, moram znati da me može zaustaviti policija ili karabinjeri.

Ovim pravilima dodajemo jedan savjet. Da bismo se suočili sa ovim teškim trenutkom, moramo biti snažni i ostati mirni. Društvenim mrežama se šire i širiće se razne informacije, mišljenja, komentari koji umjesto da nam pomognu da razumijemo situaciju, stvaraju još veću zbunjenost, bijes i iracionalne strahove. Ne uvećavamo ih još i mi.

Bolje je uputiti jedan telefonski poziv prijatelju, kako bi razriješili sumnju ili postavili pitanje, nego komentar na društvenim mrežama, za koji ne znamo dokle će stići i kako će se tumačiti.

Sretno nam svima!